

## SPROLOQUIO FESTA DI SAN GEMINIANO

24 gennaio 2019

**Sand.:** Me chère sgnor, gentili consorti e sozi e amigh dal Lions Host av salutam tòt quant in massa!! Quand a s'è arivèe la vostra ciamèda per festegèr insàm San Zemian la sà méss un po' in imbaraz..... e po' pinsandegh adrèe, as sam détt: S-l'é vera cuma dis al proverbi: chi vè con lo zoppo impara a zoppicare, chissà se , gnand in mèzz ai sgnor, an dvintàma piò sgnor anch nuèter.... la Pulonia l'impèra a feres piò liganta e cal màster ed me fjol l'impera el nazioun (el bouni manéri) per stèr in mez a la geint. Préma ed tòt gi-s bein :csa vol dir LIONS?

**Sgur.:** Liberty Intelligence Our Nations Safety

**Sand.:** Beh ma Sgurgheghel et magnèe un vocabolari d'ingles?

**Pulo.:** Adesa am fagh tradùser tót da la fjola ed L'inzgner Vezalein, a voj ster in dal sicur, la sa el lengui e l'ha infin spusèe un sgnor ed Perma.....

**Sand.:** A m'ha dét al fjol dal sagrestan dal Bosch ed Sàtta ch'al fa un còrs ed cultura sociologica e filosofica

a la polisportiva ed Ravarein, che i Lions ien nèe in dal 1917 in America per fèr dal bein ai puvràt.

**Pulo.:** Diiiiiiiio che bèli còsi....

**Sand.:** In Italia ien arivèe sol dap la guèra. A chi teimp là a psiva eser Sozi dal Club sol i am....di gran sgnuraz ch'is trueven a zeina tòt vistii in eticàta: al giacàtti col pistaroli lucidi, el sgnori cun la stanèla langa in fin ai pée.... E acsè santadùu an fa anch chè in Italia i han zerchèe ed purter avanti al motto e la tradizioun ed fer dal bein e der 'na man a chi n'ha 'd bisàgn.

**Sgur.:** Fani beneficeinza ai puvràt? Allora bisàgna chi se sgàgen....perchè se adesa ariva al reddito di cittadinanza, di puvràt an ghe ne srà menga piò.!!!

**Sand.:** Ma tè s galbeder!!! E anch a Modna l'ingrèss al Lions l'era riservèe sol ai am.

**Pulo.:** Ma seint che roba!!!! Nueter dànn valàmia propria 'na flenga?

**Sand.:** Ma tes pòr ..... In dal Club a gh'era un granein e pever già inscréta in di LEO

**Pulo.:** E cuseini sti LEO?

**Sgur.:** Mama adesa a t'al spiegh me: Al Modna per tirer sò di zugador al g'ha i pulsein ..... al LIONS al g'ha al "LEO"chi en ragaz dai 16 ai 30 an....igh fan fer al tirocinio e l'allenameint per fer pert dal Lions..... A gh'è dal piò beli ragazoli....

**Sand.:** Turnand a cal pevrunzein famos ( al nam a val degh pian perché l'han seinta: Margherita) la l'ha spunteda!!! L'è stèe un mumeint cun un po' de scunquass.....dimandi i squasseven la testa..... al dutor Dalèra ,veterinari ed prestig, al s'arcmandeva a tòt i Sant , compres Sant'Antanni.... ma al l'ha ciapeda in dal bisachein e a gh'è tuchèe d'ingugnèr al bevroun..... Dàp al bròt a vin al bel e acsè , con l'ingrèss del dànn pian pian è turnèe l' armonia e al Modena Host l'ha fat 'na moccia ed bée lavor

**Pulo.:** Le donne sono più longeve ed hanno una vista più acuta....

**Sand.:** Vot dir che chel dànn i ariven 'na spana piò in là?

**Pulo.:** Sè el ariven piò avanti.....e acsè l'Anna Costanzini l'ha pensèe bein di gestire tutte le case di

riposo ed Modena e provincia..... A capirii cun tòt i sòzi diversamente giovani.....

**Sgur.:** Eh chi semina raccoglie.....

**Sand.:** Mo tès, l'ha fat bein, cun tant dutor ca gh'è a l'HOST.... L'assisteinza medica l'è garantida 365 gioren a l'an 24 or al dè.!!! Ogni modo, cambiand descors, in stée Club l'è bel vàder ca gh'è un bel ricambi: 'na moccia ed zoven e beli ragazzi con doti favolosi....

**Pulo.:** Doti favolosi? Dmandegh bein Sgurgheghel s'it tosen ambros anca te?

**Sand.:** Scherzet Pulonia per entrer bisàgna eser: sgnor, attributi da culturèe e cun la laura in bisaca....

**Pulo.:** Dla cultura, agh n'avam 2 ciapi de drée da la stala, per la laura ,sa basta la pateint per la cariola dla stala, a sam a post.....e per gli attributi a pòs assicurer che me fjol al g'ha tòt el còsi in regola

**Sand.:** El mami i protezen seimper i fiòo..... Mo adesa am sa che al LIONS al sia dvintèe piò democratich .... Pensèe chi han fat Presideint un Muntaner gnùu zà dal Zimoun.... Un gran amigh dal sendech Muzzareli

**Sgur.:** El un comunesta anca lò?

**Sand.:** Comunesta o democristian..... da la zòpa a la Lureinza.....a gh'è poca difereinza.... Sa gh'è un quel bel l'è ch'ed la politica chè an s'in fa brisa. L'è 'na bela cumpagnia.... i van d'acord, is volen bein e i fan di gran bée lavor insàm....

**Sgur.:** Mo i magnen un po' trop...

**Pulo.:** Mo basta dir che i Leoun i magnen!!!! Vot fèri murir da la fam? I sozi ed Modena Host, da quand è entrèe el dànn, i fan del cosi in grande stile.. e quast chè l'è al piò prestigios ed tòt chi eter 4 club mudnes!!!

**Sgur.:** Mo mama, stée dìi acsè ed quist chè....quand po' a sciama chi eter cus'agh giàmia?

**Sand.:** Ed sicur ien brev tót... i lavoren cun impàgn e sentimeint e i porten avanti di valor elt e i dàn 'na man a tgnir sò el beli cosi ed Modna

**Sgur.:** Vliv saver perché l'Host l'è al piò togo?

**Sand.:** Perché al fa pèrt dal Club un dutor cl'ha fat l'Universitèe in Palestina..... e l'ha imparèe a fer i

miracol.....l'ha resuscitàe un Sózi..... bravo dutor Saviano!!!

**Sgur.:** E po' ach fa pèrt Roberto Olivi Mocenigo discendeint dal Du... dal Du....

**Sand.:** Dal Doge ed Venezia zucòun!!!! Pò,l'inzgner Vezzalini....

**Sgur.:** Cul e pataja cun i Agnelli.....e Fabrizio Corradini al segretari cal fà di verbèe.....

**Sand.:** Che tòtti el gafi ed Modna messi insàm i n'egh porten gnanch adrèe l'aqua..... e la schiera di avochet chè i han seimper vint.....

**Sgur.:** In n'han mai fat sol desnov come chi eter.....ma al sèt al perché?

**Sand.:** Perché a gh'è al dutor Forghieri cal-li tin chèlem tót....do pilloli , 'na bela durmida.....e domani è un altro giorno.....

**Pulo.:** As vąd ch'el counten perché nisun di sózi l'ha ancàra mazèe la mujera....

**Sand. :** A proposit ed mujeri, ma la padrouna ed cà, la Sgnora Angeli ch' l'as duiva ospitèr e po' invece la sa brusèe al pajoun, a-n'egh giòmmia gninta?

**Sgur.:** Qual ch'ha tribulèe piò ed tòt a sun stèe me.....

Programmèr al Tom Tom in dla culàta dal caval, arivèe ai dùu mulein, col trafich ed la Giardini, vè zà per el Cadian, inzàplet in un stradèl dla Martignana....e po' per gninta!!..... i s'han dét che la festa l'era da Vinicio.

**Sand.:** Per fortuna che Erio ,al noster caval, l'è un gran amigh ed Vinicio, cuma l'ha sintii al nam, an gh'è gnanch stèe bisagn ed programmèr gninta, l'ha tajèe zà per la Cuntrèda e in un det e fat a sam rivèe.....

**Pulo.:** Però a me a me srév propria piasu andèr a Villa Angeli ....mo et vest che bela cà? Sl'è acsè bèla ed fóra chissà deinter.... Propria adàta per 'na bela sgnora....

**Sand.:** An g'ho brisa fat i cumplimeint perché a sò che tèe gelosa... ..

**Sgur.:** Sa gh'è 'na bela mama ..... A gh'è anch 'na gran bela fjola... S'an fòssa perché a sun timid a ghe dmand s-l'am tós ambros

**Pulo.:** Mo ét vést al sgnor Angeli cuma l'è elegant...i m'han dést ch'al cambia vistii tóti e volt...iein di grandi firme e seimper de stòfa inglesa.... Al gh'ha propria 'na cà adegueda a la sò signorilitèe

**Sand.:** Beh, csa gala po'? L'è uguela a la nostra....An g'avam brisa al cotto fiorentino per tera.....ma a g'am al crudo in dal frigo..... an g'aram brisa i doppi servizi..... ma a g'am po' al cèssò drée da la stala ; in piò a g'avam la barcàssa e i bass comed.....Perchè nueter andàm a l'antiga: A frizàm al gnoch in cà..... ma i noster bisàgn a-j-andàm a fer fora. E cun quasta andàm ....scusèe dal ciàcher ma a sam per carnevel.....

**Pulo.:** Sa s-gnii a catèr.....

**Sgur.:** Av tajam quel ....

**Sand.:** ....E che Santa Lucia l'av lassa la vesta e San Zemian as protéza tót con la sò Santa Man!!!

\*\*\*\*\*